



Tsi iá:we sénha iakentiohkowá:nen kanónhskon enie'teróntake ki nónen entkawístohte, entewatehrhá:rate ki' aetewatkátho sénha taontehnhró:ko tsi nonkwá:ti ne aiontón:rie aorihwá:ke tsi nónwa ní:ioht ne COVID-19 tánon ne watié:sen aiakó:ra'ne aiako'tonhkwáhrho tánon aiónhsa'ke.

Taiontatenentshawée'ste shékon aonhá:a eniakoié:nawa'se ne onkwehshón:a tóhsa e'tho niió:re tsi aiakononhwákten tóka ni' tsi teteshakotihshnie iaikonehrá:ko.

Iah thénon teiotié:ren ne tetsá:ron skátne tsi taiesanentshawée'ste ne COVID-19 tánon ne flu, iah ne' tekari'wanóntha ne tóhka nahsáhkete ne ratetséntsne, tewatsniéhne tóka ni' tsi iontenonhkwa'tsherahninóntha.

Né:ne ahsatatenónhstate tánon ne akohréñshon tsi nikarí:wes kahnraná:kere:

- ➔ Tóhsa ensásen'se ne COVID-19 tánon ne flu taiesawée'ste
- ➔ Satsthak ne tahsatkonhsáhnhake ne tsi nónwe niiokwé:ne nienhén:se, sénha tóka' watié:sen ne aesanonhwákten
- ➔ Tiókontakte tsi saten'nikón:raren tóka' i:wehre aesanonhwá:kten tánon kanónhskon tsi terón:tak
- ➔ Iotkáte sáhtsohare
- ➔ Sróhost ne tsi tsahká:ronte nónen enhsáhsa'ke tóka ni' tensen'tiónste
- ➔ Iotká:te senóhare tsi nónwe iotká:te iehshié:nas
- ➔ Seweraráthak ne sanónhskon

Tesewathá:ren ne teiesáhshnie ne onónhkwa ne COVID-19 aorihwá:ke (Paxlovid tóka ni' Remdesivir) tánon ne flu onónhkwa (oseltamivir) tóka' ensanohwá:kten tánon ónen tho ní:ioht watié:sen ne aesanohwá:kten. Tóka' i:hsehre í:si' nónwe naesató:kenhse ia'satewenná:ne 811 tóka ni' iaháse ne Ontario.ca/antivirals.

COVID-19 Taiesawée'ste

Oh nontié:ren tsi iorihowá:nen ne COVID-19 taiesawée'ste

Taiesawée'ste aonhá:a ensaia'takéhnha tóhsa e'tho ní:iore tsi aesanohwá:kten, tánon entisáhnhe tóhsa né:ne COVID-19 káhnres aesaié:na.

Ne á:se onónhkwa ne COVID-19 teshakonawée'stha né:ne XBB iah ne sháka téken tsi ní:ioht ne tiotierénhton teshakonawée'ston né:ne ónkwe iá:ia'k niwenhní:take tánon sénha thotí:ions, tánon sénha ensaia'takéhnha tóhsa aesaié:na ne áse ktiká:te Omicron XBB.

Kátke aó:wén taiesanentshawée'ste ne COVID-19

Ónhka ne iá:ia'k niwenhní:take tánon sénha tiakó:ion enwá:ton teniontatenentshawée'ste ne COVID-19 tánon ne óia teshakonawée'stha, tóka' ónen iá:ia'k niwenhní:take tsi náhe ne ohnà:ken teteshakonawée'ston tóka ni' aiakoié:nenke ne COVID-19 káhnra.

Ka'nón:we nienhén:se taiesanentshawée'ste ne COVID-19

Ia'serihwahserón:ni kátke tóka' iá:ia'k niwenhní:take tóka ni' í:si' nónwe, tsi nónwe ne:

- Tsi tetehshakonawée'stha ne COVID-19
- ne Provincial Vaccine ia'satewenná:ta ne 1-833-943-3900 (TTY ne ónkwe teionhonhtakwé:kon, iah tewá:tons aiakothón:te'ne, tóka ni' wentó:re aiontá:ti: 1-866-797-0007), káien ne í:si' nón:we ne 300 niwahronkha'tsherá:ke, Awententaón'ke tsi niió:re ne Ronwaia'tanentaktónhne (iah ki' ne wentanó:ron) 8:30 a.m. tsi niió:re ne 5:00 p.m. Eastern time.
- Ne onkwé:ne teshakotihshnie ronnónha nen'né:e thonnónhtons tsi nikahá:wi
- Ne ronatiá:taren tiotierénhton shakotienawá:se
- Ne ronatiá:taren iontenonhkwa'tsherahninóntha (tékeni tehonohserià:kon tánon í:si' nónwe)
- Onkwehonwé:ne tsi teteshakonawée'stha

Ka'nón:we nienhén:se sénha í:si' nónwe naesató:kenhse ne COVID teshakotinentshawée'stha aorihwá:ke?

- Ontario.ca/covid
- Ne Provincial Vaccine ienhosatewenná:ta 1-833-943-3900 ne ónhka taesenithá:ren (TTY: 1-866-797-0007)
- Ne VaxFacts+ Clinic taesenithá:ren ne ratetsen'ts ne Scarborough Health Network iahá:se ne www.shn.ca/vaxfacts
- Ata'karitáhtshera 811 karonwará:ke téka ni' ia'satetewenná:ta ne (TTY: 1-866-797-0007 iah thaská:ria'ke) thénon seri'wí:saks ata'karitáhthsera aorihwá:ke 24 nenkahwistá:e'ke sewenhni:sera, tsáta nóntha tsahiá:ksera

Taiesawée'ste ne watié:sen aiakó:ra'ne (flu)

Oh nontié:ren tsi iorihowá:nen taiesawée'ste ne flu

Sewatiérens ioweienatshá:ni ne flu nia'tekon tsi neniá:wen'ne tsi teshakotitsénta iensanehrá:ko sénha ne thonnonkwe'tá:ions tánon ne nithotiión:sa ratiksaokón:a. Ne óia nahò:ten ia'tenkaté:ni né:ne enhstsinsakwanóhste téka ni' tenseriahshishón:kwe. Ótia'ke enwá:ton eniaié:heie. Aonhá:'a entisáhnhe tóhsa aesaié:na ne flu né:ne taiesanentshawée'ste.

Kátke aó:wen taiesanentshawée'ste ne flu aorihwá:ke

Teiesanentshawée'st kwah nek enhotiién:ta'ne, áse' ken téka' teiahia'ksérá:ke ohén:ton enioió:ten. Kwah ken'nikari:wes ónen iah tho teska'shátste tsi teiesawée'ston aówen ki' nia'teiohserá:ke taiesanentshawée'ste ne flu aorihwá:ke.

Ka'nón:we nienhén:se taiesanentshawée'ste ne flu aorihwá:ke

- Ratetsentsne téka ni' tewatsniéhne
- Ónkwe tsi teteshakotihshnie
- Ne ronatiá:taren iontenonhkwa'tsherahninóntha (ne tékeni tehonohseriiá:ko tánon í:si' nónwe)

Tehonwatinentshawée'stha ne thonnonkwe'tá:ions ne flu aorihwá:ke

Ne 2023/2024 aóhsera, tánon tóka' 65 tóka ni' í:si' nónwe na'tesohseriá:kon, áhsen niiotitióhkwake ká:ien taiesanentshawée'ste ne flu aorihwá:ke:

- Ne tsi niká:ien akwah róntstha tashakotinentshawée'ste kaié:ri nika'shatstenhserá:ke ne flu entisáhnhe
- Ne óia tekaiés:ton taiesanentshawée'ste áhsen nii'o'shatstenhserá:ien ne flu eníório (ne óia nahò:ten tekaiés:ton eniakoié:nawa's ne tenshakonawée'ste sénha ka'shatste ne tóhsa aiakononhwákten)
- Ne sénha ka'shátste tenshakonawée'ste entiakóhnhe ne kaié:ri na'tekaiá:seren flu aiakoié:na, nék tsi sénha ka'shátste

Akwé:kon ne áhsen na'tetkonttihen iah thénon teiotié:ren tashakonawée'ste, éso tsi entiakóhnhe ne thonnonkwe'tá:ions. Tesenithá:ren ne saté'tsen'ts, tewátsnie, ratenonhkwa'tsherahní:nons, ka'niká:ien ioiá:nere ne sarihwá:ke.

Ka'nón:we nentéhshawe í:si' nónwe naesató:kenhse ne flu teshakonawée'stha aorihwá:ke?

- Ontario.ca/flu
- Ata'karitáhtshera 811 karonwará:ke tóka ni' ia'satewenná:ta ne (TTY: 1-866-797-0007 iah thaská:ria'ke) thénon seri'wí:saks ata'karitáhtshera aorihwá:ke 24 nenkahwistá:e'ke sewehnín:sera, tsáta nónta tsahiá:ksera